

Ashaninka

Ositrán, notsipatimpi
akenayeti oipatisteki
anampi Perú



BICENTENARIO
PERÚ 2021



Aakotakerori,



PERÚ

Ministerio de Cultura





Organismo Supervisor de la Inversión en Infraestructura de Transporte de Uso Público

Otsi oinijantayeta kenkitsarentsipe “Ositrán, notsipatimpi akenayeti oipatisteki anampi Perú”
Apatoyetaka kenkitsarentsipe iroperoyetaintsiri

Verónica Zambrano Copello
Jibabentirori ora Consejo Directivo

María del Rosario Bazalar Huamán
Amenakobentirori ora Oficina de Comunicación Corporativa

Amenakotakerori
Ricardo González Vigil
Anahí Barrionuevo
Leonardo Dolores

Yotaneripe

Intakarori

“Yora torishita nampitsisanori” de Joel Wilfredo Alejo Reyes
I.E. Santo Tomás de Valencia. Santa Rosa, Lima

Apitetaintsiri

“Abishimotakenari narakotantyarime” de Gianella Belén Luna Cruz
I.E. Isabel Chimpú Ocllo. San Martín de Porres, Lima

Mabatapaintsiri

“Nokenkishireiri, ora tren eléctrico 1986” de Ana Lucía Cáceres González
I.E. Los Peregrinos. San Juan de Lurigancho, Lima

Obametantinkaripe

Intakarori

“Iroperotatsiri akenantayetyari” de Manuel Hernán Herrera Quispe
I.E. San Vicente de Paúl. Tarma, Junín

Iro oinijantakerori ora Oficina de Comunicación Corporativa
Noviembre, 2021

Ari osaikakotakeri ara Depósito Legal en la Biblioteca Nacional del Perú N° 2021-12646
Aakotakerori,
Impresiones Santa Ana S.A.C.
Calle Ignacio Cossio 1157 La victoria, Lima – Perú

Derechos reservados

OINIJAKOTIRI

Okaratake otsi osarentsi noinijantakero ikanteri talento literario ara nampitsipeki osaikayetira yotantsipanko maroni anampitsiteki.Noinijantiro ikanteri obras kanatainchari ashi otsi concurso ashi kenkitsarentsipe “Ositrán, notsipatimpi akenayeti oipatisteki anampi Perú”, ari noinijantakerori ara virtual,karimpa añakeroka abisakeka mantsiyarentsika.

Ari akajimakantakeriri maroni ebankaripe berainchari 3 impoji 4 sekontaria aisati yometantatsiri yamenantyariri jaoka ikarayetiri isarentsitepe ebankaripe ishitoriatatsiri kitaiterikipeki yoinijantiro iyotanepe ibankoki ,karimpa otimatye iroperote ikantaitiri infraestructuras ashi shiyakomentotsi iteyetari atiripe saikatsiri anampitsipeki.

Tsame atsipatyari aisati akemeru pinkatsaripe sanketakerori oka abotsi ashi sharakamashi central; okantakota osaikakoti ara arayetira arakomentotsi ari osankenatakotakari kenkitsarentsipe kemperi okenkitsatakota intanatanakari obetsika ora tren electrico aisati iñantakarori atiripe aisati sankentakotakero kenkitsarentsika ora infraestructura ashi shiyakomenttotsi anampikika añantyarori iroperotakerika,irosati iyotantanakarori maroitenei okametsaperoti anampi Perú.

Nopasonkiteri maroni atiripe amenakerori kenkitsarentsika yapatyakotakena intantanakari osankenati Ositrán aisati yamitakotakena ebankaripe, impoji yometantatsiripe: Aisati sankenatirori Ricardo Gonzales Vigil jero sankenatirori Anali Barrionuevo impoji pinkatsabentirori kiribiro iñanayetiri Ministerio ashi cultura.Leonardo Dolores, iritake amenakotirori ora talento literario antayetakerori aisati otimantyarori aka,añanatantyarori maroitenei.

Oinijantakero aisati Ministerio ashi cultura ocharenkakotakero aisati yamitakoyetakero oinijantatyarori oka concurso antayetaicharika oka kenkitsarenkika,otimatye ainijantero ñanarentsi jero cultura cívica anampitsitekika.

Verónica Zambrano Copello
Jibabentirori ora Consejo Directivo del Ositrán

Intakarori

Yora torishita nampitsisanori

JOEL WILFREDO ALEJO REYES

Institución Educativa Santo Tomás de Valencia. Santa Rosa, Lima





Nojokanake nomanake irosati shabiji ari nokemakeri ikaimi notomipe;noshintsitanake noshiya nobetsikanyarori nomatsarepe ari noteterori ara maretaki irosati nojatantakea osaikinta shiyakomentotsipe.abisake okarati 30 osarentsi obakera nojataje anta noipatsiteki notiminta. Ari notetapakari shiyamentotsiki ikarati orea tson tsiteniri. anyaroite nokimoshiretanake noñajero otimakera perani.namenamenatakeri orea

karimpa berakotakana ara panamerikanaki,nojokanajero nampitsi kamarari ari nokiakotapakeri impanekimashiki kametsa okanta ari noñakerori okantakota otsapatakota antamishi kantimaitacha otsitenitakakero obentanate shiyakomentotsi. ari nomakoreakeri,nokenkishireakotaro jaoka okantajeari opashinitaje anampi aisati ari onoshikake kipatsi.

Ikajemakeri itomi Saru Chiuchi ikantiri pitinai ikenkishireanaka inkanti irinti
nocharine ari nobetsikakari nojatantaryari nokibantajero nonampi ari aretakari kitaiteri
nojatantaryari. ari notinanakari nomamentoki kimoshire nokantanaka noñajero
nonampi notimankenta nomatajero naretajaro. okaratake 12 nosarentsite nosabiki
apaniro notsipatari chaine okarati irosarentsite 60 osarentsi; kamake iriri, irompa
isha obakera okamake abisanaintsiri kashiri te nokobanaje nosaikanaje pankotsiki
tekatsi notsipatya, niritsoripe isaiki irimashiki ari itiyankakenari kasankapanaro
ikanti pipokajeitaje tekatsi pantanaje nampitsiki. ari akenakeri añajeri niritsori
irimashiki namenaje iroperori antaberentsi ashiyakotajara te ojityaji kariperori abotsi
nonampiki te añero karetera, aisati te añeriji osheki kireki; nocharine ipimantanakeri

maroni ibakate impoiiji obishape iritake kireki nanakeri nobiajatantaryari.
Ari nobetsikakeri pachamanca nanakeri noyari niyanki abotsi. ajatantaryari
irimashiki, intanakaro ashitobanake nampitsikira Huanuco, ari okakijitiri
notetantaryari shiyakomentosti jatasiri irimashiki. intaina noshiyakotaka, ari
aninkiyatakotakeri ara cordillera de los andes, ari añanakerori antamishi
impoiiji sharakamashi. Te añajero jaoka otsonkota kipatsi. Ari onimotakenari
nobiajata karimpa nocharine osheki ipashiyatake nampitsipeki



antamiki,nijateniki ara ipatsiteki.Yora pus yamabentaro abotsi, nocharine yokiniri traguito shacta impoiji marikishi.kantimaitacha otimatye amabentakotya. Noshiyakotanakara timatsi kariperori abisaintsiri abotsiki.Otsitenitanajera tekatsi añanaje irinti añeri itsiyota kashiri aisati otsimankaititi antamishi,nocharine ari iñakeri jaoka amakoreiri,itsiyotapakeri iroshite ari nosaikapakeri orijanikiki omorona irosati pashiniki kitataiteri.Nobiajatakara noberaka otsi kitaiteri nanitake.Naretakanta nampitsiki Huanuco ari ashiyakotanakari irosati naretantakari Irimashiki.

Ari nobetsikakari nojatantyardi aririka okitaitanake noñero pashini nampitsi.Antyaro nobashiretanaka nokanajero nonampi.jatakena abotsiki shintsipaite,berakotanakana areji .kapiche , kapiche te añabajero okenashiti antamishi irosati okañatantapakari kiterishiri ichu.Ari noberakotakari 4500 m.s.n.m.Aisati ari noñakero orijaniki nañantane noshiyakotanakara aisati noñanake antyaroite inkajarepe arejitanakena nojakanajero nonampi.karimpa ari otimiri osheki antamimashi aisati piratsipe,isaikayetiri guanacos, maniro,pumas impoiji amempori yarayeti

Katsinkaitetapake naretakara Conococha,ari notinanakari nopashikajea noshikaro eiro antanatsi katsikaite,te nomatanajea nomanaje,irointi nokenkishirearo nonampi. Akenapakero Aquia irosati abisantanaka Yanashallash niyankikira ara escarcha,ari nojokanaka nomanaji.impoji notinaja ari noñapakeri kametsani ora eokaripito,karimpa kametsaitake abotsi.Te abishe osheki osarentsi noñantakarori kametsani ora valle ashi Alto Marañon ari noñanakero osankenatakota okanti pimpokajeite Chupan. Naretapakara, nanitapake shintsipaite namenero orijanikika nampits,ari nokenkishireanajerori

Bienvenidos a Chupan

karimpa kametsaitake nampitsi.Ari noñakeri orijaniki obarontsijaniki okenkishireakajenaro noñakeri perani osarentsiki, irointi obashiñashitaja nampitsi,aisati te añajero antyaroite inchatoranki saibikatsiri ara plaza irointi añaje meka ora pileta ashi mármol aisati mapijaniki.Oshekini pankotsipe opimantayeta obarontsipe jero amatsarape antyaroite mercado moderno ari añakero oinijaikairo oporeatake. Aretkara antyaroite abotsi aisati añakero ikantetiri turismo,ari añakerori antarotanake opimantayeta bararontsipe,aka nokenkishirekero karimpa ipokakana charine ipashiyatakana nosaikaiti iko kitaiteri, meka irointi aretya shitsipaite ikarate ore a aretya soti ashiyakotanake shintsini.

Tekea asaikanaje, ari akenanakeri amapake ara hotel irosati ikamintaitantakari paperipe ara valle Marañon. Abishitanaka ishinkimashiteki chaine, karimpa nokibantaitiri antyarikonape timatsiri osheki irosarentsire, ari iyotabajenari aparopeni antyarikona. Aibetaka opashinibetaja nampitsi, yora atiripe irosati ikenkishirearo aisati kiso yobiro iyotanepe, impoji yameyetari, aisati iñabetiro iñane. Isabikajeiti kametsa aisati yoinijairo iyotanepe. Ari nokenkishireakari, maroni ebankaripe yakakotanakero ikantetiri modernidad, ipiakotanakaro aisati yojokanakero isaikira, kemperi narori. Ari ishiyanakari turistas, kantimaitacha te noyotero paita abisaintsiri aka asaikajetika karimpa pashinetapake oka nampitsika, ari otsiparenakari nokenkishireakari, nokimoshirebetapaita, tekatsi nantanaje nosaikabetanajea iko kitaiteri irotake nojataje Irimashiki, ari otimiri antabentsi kantimaitacha irosati nokenkishirearo nosaikabetaninta.

Pashini nobiajataja nokoi noyotero ametantsi aisati nokibantero patrimonios arqueológicos, noñero tojarimashi kametsatsiri asaikira. Irosati nokenkishirearo asaikabetanira perani, irointi añero inchatomashi aipatsiteki otsanka ashitakota jero kariperori inchashipe, meka ari osabikiri aisati obetsikakota otimantyarit turisticos aretantyarori ikibantero nampitsika. Ari otsonkatari nokenayeti nobiajata. Nopiyanajara noshiyakotanaja Irimashiki, irosati nokenkitsatakantakariri notomi impoji nosampitakeri ¿paita iyotakeri ikibantayetirora nampitsipe? Yakanakeri iriri ikantiri nokoi nosabikanake karimpa kametsaitake asaikantyarit, noñakeri atiri iborokipe osheki ikimoshiretake, ari noshirontakeatanakari aisati nabitsanotanakeri, nokimoshirebentanakeri karimpa osheki iyotake nokibantantaitinta. Irosati nomantanaja, namenabetanakaro abotsi te noñeroji jaoka opearit ara nijateniki.



Apitetaintsiri

Abishimotoakenari narakotanyarime

GIANELLA BELÉN LUNA CRUZ

Institución Educativa Isabel Chimpú Ocllo. San Martín de Porres, Lima



Iro ataitanyari arakomentotsiki Lara ojatanyari Madrid, okemati kajemakerori intainajenka. Okemakerora, te okantimotyaroji, oshiyakanti iro okenkishiriabetari, kantimaitacha, aikero okemaperotanaiti, okemati ikantetakero.

— ¿Ari? ¿Pikemakena? – irinti ebankari omonkarari osarentsita -
¿Pikemakena?

— Ari, Je, nokemakemi - Amemenatanakeri meka Lara kantimaitacha te oñeriji - ¿Jaoka pisaikiri?

— Jeraka nosaiki

Iro omijanakeme Lara oñakerira yamenakero bentanaki. Okoabetaka meka ojate isaikira, kantimaitacha te omatyaji. Ari meka ebankarira ikantakero ibajiro: Joshua, aisaiti ikantakero ari isaikaiti kashiripeki. Tekatsi kemerine jero tekatsi ñerine, irosati aretantaka. Omajeretanake meka Laura okemisantiri ikantakeri Joshue isikakera osamani kashiri: atiri shiyashiyatatsiri, koakotantatsiri ijinanyari, ñabakajeitachari, ikimoshirejeiti ashaninkape jeri tsipamintsaripe.





_ ¿Jaoka nokantero namitakotempi? – okantanake Lara otsonkanakara abisaintsiri.

_ Nokante, te noyoteji_ aňenkatanake intsompoiiji impoiiji amenanakeri irerojo – ¿Eiroma parakotitsi?

_ Ooo, omapero – amenanakeri irerojo oňati abisanake oria arakotantyarime.

Oshiyanka meka cabinaki, amenanaiti, oňatiri iroki kametsari Joshue. Ari okantakero meka amenakotirori arakoyetatsiri, okantitaro arakotaje abisanakerika aparoni semana. Oajtake meka opimantara kaje, tekatsi saikatsineri, osaikapake mesaki konijatakotatsiri, oňabaitiri meka ikonijatapake Joshua.

_ Pimpeakotakayena, tekatsi nokenkitsatakaye osamani.

_ Eiro okantimotamitsi. ¿Omapero, tekatsi materone iňemi?

_ Amananaiti – oňati ipaipitsatanakaro Joshua ari meka amemenatanakeri, osampiyetake pashinipe, kantimaitacha tekatsi amenerone – ¿Piňake?

_ Je, paitaria ini.

Akero meka oyompotarorate ari amenake osampitakobenti oakratira abishimotakerori jero oñakeri. Okantabetaka oyotakotiro operiorishiti, tekatsi ante. Apibetajaro anatakero oñantyariri kitaiteripeki, okantabetaka ari ikantri iñiri katsitatsiri iito. Irosati isaiki Joshue oporerira.

_Kempe tekatsi nantabaje.

_ Eiroyata ishitobitsi aka – Ishitobanake meka Joshue isaikabeita mesaki ñatiri ishitobapaji bentanaki otsonkapakara yanijeitanti atiripe. Oijatanakerimeka Lara irosati isaikakera, ari osampitapakeri – ¿Jaoka pijitari?

_ Lara, Lara Torres; naro periorishita, obakera noñantabetaro narori.

Ari meka Lara oñabenatkotakero antiri ara empresaki, ipeyetirora antero itiyanketirori irori okantara okamantayeti, irokea Mariana iro konijaperotatsiri. Oñabentakotakeri aisati omishite timatsiri koni jero abishimotakerori ojatantakari aparoniki departamento.

_ Nokantikea, ariyata ijarayetakero nobanko.





Ishirontanaka Joshua ari ikantake nokenkitsateneri pashini. Tekatsi abaje Lara okenkitsateneriri, irokantacha okenkitsatakeri okenkishiriakeri. Oñabenatkotakero otsityabetantakarori okatantakarori jero ikomiyetantakarori pashiniki tsinane impoiji ipampoyetantakarori, onimotanakeri Joshua ikemakeri, otsonkanakera Lara irosati opoimati ishironta yanijetira atiripe.

—Kametsa kenkitsarentsipe - ikantanake Joshua.

—Ari okarati. ¿Paita abishimotakemiri, atsonkatantanakearori?

—Nokantabake, te noyoteji. Intani nosaikaiti bentanaki, noñati oniyakena nosaikantanakari aka.

—¿Tema añaiteroji..? - te itsonkeroji isampite ikenapakera amabentakotirori isaikajeitakera.

Ari ikantanaji iñabakajempa impoji i jatanake ibankoki.
Okitaitamanake pashini kitaiteri opiyaja okenkitsatakantyariri
Joshua, ari okanta, okenkitsatakakeri osheki kitaiteri. Okenkitsatiniri
maroni abishimoyetakerori, aikero iyotabakajeitanaka jero
itsipamintsatabakanaka. Irori arakomentotsipe ojati jero areta,
kantimaitacha iro aretya araktantyariri Lara irosati Madrid. Lara
oshaninkatanakari ebankari konijatatsiri biririoki. Te oyoteji jaokapaite
ompiyaje arakotaje. Ari ojokanajiri.

—Arimacha, ari añabakajempa.

Ñabaitiri, ebankarira iporeriatanake, oshitobaitanake ibatsa biririoki
isaikira. Oshirinkanaka kametsa Lara ari amitakotakeri ishitoi, tekerara
okajemanake okimoshireti.

—¿Paitatya abisaintsiri?

—Te noyoteji, nopasonkitimi abiro — ikantanake ishirontakarora tekera
isaikanake itsipatyaro.

—¿Meka paita panteri?

—Mana narakotataje.



Mabatapaintsiri

Nokenkishireiri, ora tren eléctrico 1986

ANA LUCÍA CÁCERES GONZÁLEZ

Institución Educativa Los Peregrinos. San Juan de Lurigancho. Lima.



Nokenkishirio kitaiteri abishimotakenari kari nonebetari, kantimaitacha osheki nokenkishiro. Aretakenara nantabetantaryari empresaki poñakotachari pashiniki nampitsi antabetatsineri aka anampitsiteki. Naro, nojatake nantabetantaryari, te nokisoshireanake, noñakerora okanti ikoajeiti antabetatsineri antaroki betsikantsi okametsatantajeari ajayetaje ashiyakojeitaje.

Nantabeyetake antaberentsiki jero poroyekitopeki orijanitatsiri kari osamanitatsine antabetantaryari. Ari okantari narori nayeti nobantayetyari kitaiteripeki, ikajemetana terika aisati eiro ikajematanatsi nantabetantaryari. Irotakekea, aretakara pashinira antaberentsi, antaro nokimoshiretake. Kantimaitacha, nokisoshiretake kapichaji nantabetantaryari tema nosaiki anta nampitsiki jitachari Cajamarca, notsipataro nojina jeri notomipe, irokea nantabetantaryari osaiki Irimashiki, irotakekea, piñakero otimatye noshiyakote osheki kitaiteri jero nojokanakero noshaninka.



Notsonkakerora nokenkitsatakakero nojina Elena akantajeitake eiro nopeirotsi antaberentsira aretakenari. Otsitenitanake, nobetsikarantaka impoiji nojajeitake notsipataro nojina jeri notomipe osaikayetira shiyakomentotsipe, notejeitaka shiyakomentotsiki impoiji noshiyakoitanaka naretantaryari nampitsiki kamestari, Irimashi.

Naretapakara Irimashiki nojatake meka ara empresaki iyoyetantyanari impoiji nocharinkantaryari paperi nantabetantaryari. Ari noñapake pashinipe antabeyetatsineri, kemperi narori, ipoñajeitaka pashinipeki nampitsi. Noñapakeri aisati inginierope jeri arikitekitope. Nokemati kantaintsiri: “¡Pantabejeite! piyojeitake meka pantajeitatyero jaoka abisheru ora jitachari tren, kari antachaneri perani. Nokantajeitakemi abirojei betsikerone onkarate soti onkatiyayetapera, otsantsate okarate 33 km. Pikimoshirejeite tema abirojei bashiñajeiterone okenayetira shiyakomentotsipe aka anampikika aretantaryari shintsipaite okarate 11 ikantetiri distritos”.



Maroni nokarajeitira, te ojokantashirei abetsikatyeya aparoni tren shiyatsineri shintsini, oshiyakayero tsiyotakairiri tsiomentotsi, kantimaitacha ari asaikajeiti antabeti. Ookoaperotatya nokane iro meka empresa koyiriri antabetatsineri. Irosati meka, antaro nokimoshireti nokenkishiro nantabetake Irimashiki natakero antaroite antaberentsi: ora línea 1, intakarori shiyakomentotsi poñachari Metro Irimashi jero Callao.

Abisakera aparoni osarensi te nomakoreji nantabeti, osheki noyoyetake antabejeitatsiri, amenakobentirori antaberentsi, inginierope, arikitekitope, arikaritepe jeri pinkatsaribentirori anampi. Obakerara intanaka akiyakero, ikantiri iriñaneke birakocha “ la primera piedra” jitachari meka ora estación Cabitos. Kantimaitacha aikero aijatakero antabeti, abetsikajeitake antaro patio monkaratachari 120 000 m2 anta distritoki Villa Salvador, saikatsiri oponkitiki nampitsi Irimashi, ari osaikajeiteri shiyakomentotsi jitachari tren jero ari ibetsiketerori. Meka antaberentsi antajeitakeri shintsini antakero, abisake kashiripe; naro okantani nokenkishiro nonampi, okantimonentakena nokenkishiriakerira noshaninkape.



Abisake aparoni osarentsi meka ora Línea 1 aretaka pashiniki distrito jitachari San Juan de Miraflores. Ari animoshirejeiteme maroni atiripe, kantimaitacha, te aimoshirenkero antakerira, okantakantiro opinayetanaka maroni pimantayetachari impoji otimanake osheki antabakantsi, kantakanakero te aijatakanajeroji antaberentsi okantabetaka opinataka 226 miyoneshi kireki tema iri pakeri kireki jibabentiropro nampitsi italiano.

Okantakantiroria abisaintsiri te antabejeiteji kashiripeki. Arike aokantake meka empresa: “Te aro kantakashityarone”. Ari meka namenayetanake paita nantajeri eiro notashanentantatsi, kamitsantsi ikajemayetakena notsipamintarepe noyoyetakeri, a ri nantabeyetake kapichapeji. Ari meka napatotake noirekite nopiyantajeari nonampiki, te nokisotapainte, nopiyaja notimapakera ara Cajamarca. Te noyote jaoka nokanteri nokimoshiretakera, antaro okantapakena nashitariantakarori ashitakoro nobanko jeri noñajeitapakeriria noshankape isaikajeiti mesaki.



Aparoni tsiteniri osarentsiki 2019, namenirora kamantantsi, ikantake ñabetatsiri, ora Ministerio de Transporte, ikantake ari meka intanaje obetsikajea ora tren eléctrica ashi Irimashi, jiro ampitajea poroyekito, kantimaitacha te nonkobaje nojokajero noshaninkape, te nompianajeji, itiyankabetakena sankenarentsi notsipamintsarepe, kemperi: “Ari intanajea antaberentsi Línea 1 ashi Irimashi, intanakempa mariteshi 2 kashiriki marzo osrentsiki 2020”.

Meka, chora 61 nosarentsiki nokimoshireti noinijantiro abishimotakenari tema nantabetake, nosaikake obesikantakari jantarotatsiri antaberentsiki timatsiri anta Irimashiki!



Intakarori

Iroperotatsiri akenantayetyari

MANUEL HERNÁN HERRERA QUISPE

Institución Educativa San Vicente de Paúl. Tarma, Junín.



Aparoni kitaiteri, anampi Perú otinamaka okentayetakero obatsa. Okemabinstsabetakaro perani katsini, kantimaitacha, kitaiterikira ari oshintsiperotakeri okentayetakero, te okantimonenteroji ari osampitakeri otsipanampitari, yakimaitakaro:
—Che, kametsa noñimpi. Tekatsi abishimoterone otishipe, piyooshitate jero piseribate. Eiro okantimonentimpitsi.

Omajerebetapainta kapichaji okemabakera. Kantimaitacha, irosati okentayetakero, ari okantakeri pashini otsipanampitari, saikatsiri kempejitarori:
—*Eu te vejo bem. A vida é uma festa. Tome uma caipirinha e relaxe.*

Omajeretakabetakaro aisati okemabajira ikantetakerori. Kantimaitacha, aikero okentayetakero, ari osampitakeri otsipanampitari shiyabetarori. Tekatsi yotatsine, aisati abishimotiri iriori. Ñatiyo yakanakero ikanti:
—¡Eiro pikikisatatsi! ¿intsu pamenakotero ara Google? Mapapekitya, tempa.

Meka Perú okametsatimotapakero kenkishirantsi. Ari meka intanaka ameniro google jero escrolear otekatsitantayri eiro okentayetantarotsi. Aikerora aretyaro kipatsi, oñatiyo pantayaki ashi kompotarora osheki pankenatantsipe aikero oshekiti te okapichateji.

Ari okemabake: kareterape, okenira oshiantyar tren, amajayetatsiri nijaki jero antyaroki inkajare impoiji arayetatsiri jero irori metro, ari iñabejeiti shintsi, iyojeitanyari janika iriperotatsiri.

—Naro pipasonkite – okantanake antarotatsiri okenantari tren – naro amiro minerarishipe nopoñakaro irayetirora irosati ipimantetakearo.

Pashini ñabetanaintsi ikantanake netsikiroini:

—Aretanyari ara Machu Picchu otimatye pintsipatyana. Maroni torishitape osheki inebetaro intetyana, pikoirika piyosanote, pisampitero ora jitachari tren Macho. Okantabetaka meka omai kapichaji. Piyojeitake jaoka okantari.



—Arojei ashiyaro “oshitsa” anampi Perú – oñabetanake okisanentaka kapichaji opichayetakara kareterape – apatyakairo maroni nampitsipe. Maroni atiripe jero obararontsipe ari okeniri oshiyakotanakearika.

—Maroni nampitsipe okoajeiti narejeityari – namitakotiro orijaniyetatsiri kareterape, kantimaitacha, nokoi narori niriperote akenkitsajeitika. Arojei amiro jibatantsipe.

—Maroni atiripe tekatsi irante eirorikame notimitsi - okantanake irori ora Línea 1 ashi Metro.

—Kantimaitacha te parejeityaji jaoka ikoajeitimpi - okantanake irori ora jitachari jaoka yamajakoyeti -, arojeitake tsinampayetiro nijape shintsijari arejeitanyarori nampitsipe saikatsiri antamimashiki.

—Omaperotatya – okantanake irori ora jitachari amasonas -, aisati iriori torishitape osheki inebetaro ikenantana ariorika ijayete nampitsipeki.

—Eiro apiakotarotsi okanta asaikajeiti jero ikimoshirejeiti ariorika ijayete nampitsipeki - okantanake irori ora nija jitachari lacustre kempe ari otinajeitanaka maroni.

Irori Perú okametsatimotakero ikantayetakeri okoabetanaka irori oñabeteme. Okenkishiriabetaka opasonkijeiteri okaratira ikantayetakeri jero iriperojeiti aparope isaikajeitira. Iro oñabetantyarime, okematiro opoimatanake isaikajeitakera.

—Nokanti narori, antsirekearo kipatsi eiro omatatsi iramenajitemi – okantanake irori jaoa okenayeti arakomentotsipe –, tema arojei areta shintsini ajibatakantyarori pimantantsipe jero torishimope.

—Impoiji – tekatsi abishimotene, areta shintsipaiteni ikoakojeiterika – okantanake pashini jaoka okenayeti arakomentotsipe.

—¡Intsi! ¡pimajerejeite! ¡pimajerejeite! —okantanake irori Perú. Ari oyakero imajerejeite ñabejeitatsiri oñabetantanakeari.

—Kametsa, kametsa mopasonkijeitimpi aparope, eiro isaikajeitiime maroni peroanope eiro pitimajeitime abirojei. Maroni abirojei añakajeitiro

noipatsite. Kantimaitacha – nokantakero “kantimaitacha” tema nokemajeitake iñabejeitanaji –, kantimaitacha, maroni pantayetiri aparope eiro atsonkirotsi akametsatakantyarori aikerorika akantayete akoiri aparope jero janika iriperotatsiri.

— Otimatyekesa otime janika iriperotatsiri – ikantanake saiakintsiri.

—Kametsa abetsikempa – okantanake pashini.

—Ari okantari —okantanake ora Perú—, Je, kantimaitacha te onkobeji anakoyetante.

—Iro noñakeri pikantajeitakeri, pikoajeiti piriperojeite – okantanake irori aotsi, te oinijayero okisayetya.

—Timatsi antatsiri iroperotatsiri pashini kari anterone kametsaripe. Ari okantari anteri. Timatsi kari amenerone ikantara... kari ashitari arori – okantanake irori arakotira arakomentotsipe tema okenayetira pashnipe nampitsiki.

Impoiji opokajeitapake pashiniyetatsiri, osheki pokayetapaintsiri koayetakerori iriperojeite. Irobetainchame irantabakajeitya okantakantiro ikoajeiti iriperojeite aparope.

Tekatsi okantanake Perú omajeretanake
ari oshitobanake, intainanentanake
okenkishiriantyari kametsa paita okanteri
amenakotantyarori kantimonentakerori
jero ojerenkabakea kapichaji. Eiro
oshintsitantanakatsi okentayetiro obatsaki.
Osaikira, te oñabakeroji opariyapake imperita
oipatsiteki.

—Pamabentya —okantanake aparoni
ñabetanaintsiri, isaikajeitakera iñabejeiti.

—¿Janikampi? —osampitanake. -

—Naro *Qhapac Ñan* —akanake
kametsaperoini—, paotsite otimayetira
mapipe.

—¿Tekia pisaikeji abiro ikisabakajeitara
iriyojeitanyari janika iriperotatsiri?

—Te. Te ojiteaji akisabajkajeitya.

—Irotake nokori noinijajeitemperi,
kantimaitacha te pikemajeitena.

—¿piñantakaro kenkishiriansi “anitinkari,
irantiro aotsi iraniterika”?



Meka Perú oñak kantimonentantsi, kantimaitacha omajeretanake irori. Osheki omakotake jero okisaka oijatakantyarori oñabetaje. Ari okenkishirianaka: “¿Paita iyotiri yoka? Abisake osheki osarentsi tekatsi anterone irotaintsi ompariye kapichapeji”.

“nokenkishiriakaimi, naro saikitacha”, ari okemake Perú oitoinaki: “Nosakitaka aka perani, noñake opiayetaka nampitsipe”. oki oñabetanajeme Perú, oñabetitanaka okenkishiriakari: “Aretaka omonkarata 200 osarnretsi, ebankaritatsimi tekera piyoteji. Kemperi okantiri kiribirope, nokanti narori abiro nampitsi kemperi mainaritatsiri. Kantimaitacha, osheki piyotane”

Ari omajeretanake Perú okemabakerora ñabetantsipe,
añenkatapainti kapichaji impoi osampitanake:
—¿Piyoti paita nanteri?
—Piyotakero pakenari —mekakia akemajeitakero shintsiri
ñabetantsi kempe ari opoñakari pashinipeki nampitsipe.
—Tekatsi koatsine, maroni ikoajeiti iriperojeite.
—Aribe, pimpajiriajeite janika iriperotatsaine, ari
otsonkapempa añabejeiti.
—Ari katsini obariperotakero antiri. Ari ikantajeitake chora
nonintasanotiri.





Ari imajerejitanake maroni. "Irobe: pikeme"ikantanake Qhapac Ña, yapitajiro iyenkishirianeki. "ari oberapaka pikemiro kariyetatsiri, saikatsiri saiteriki. Okoatya pinkemea abiro", okantitanaja netsikiaji: "Pinkeme, pikemea abiro, piyotya..." Ashitanakero meka oki Perú ari amenanaka irori.

Oñake aparoni nampitsi saikatsiri amasoniaki otsmetakotiro obakerari aotsi. Oñake yapatoijetaka itsonkajeitakerora itsametakojeitiro iraotsite. Oñake aisati ikanta isaikajeiti atiripe otishipeci Irimashiki, obetsikajeitaka antantyarori ataimentotsipe arejeitanyari ibankopeki. Oñake aisati

nampitsipe ipiakoyetakari, oñake nampitsipe tera areyetya koaperotachari añantariki, oñake atiripe kamayetaintsi tekatsira abintabakerine


Oñakerora maroni konijimotakerori, iroperoripe jero kariperoyetatsiri, okemabaiti te iroperotanajeji kentayetakerori obatsaki, ari opashibentanaka okantara okematsita osheki. Omajeretapainti osamani irosati ojatantaka oñabetikairo jaoka akenayeti ajayetanyari pashinipeki nampitsi okantantyarori kametsayetatsiri.


Amenanakera oñati te osaikeji apaniro otsipatakaro jaoka akenayete ajatanyari pashinipeki nampitsi, te oñabetej irori, omajeretashita okemisanti.

—¡Nokimoshireti pipokajeitake! —okantapake—. ¡Timatsi nokoiri nokantajeitempi kametsayetatsiri!

—Aisati arojei —okantanake ora Tren Macho, atojetake kapichaji.

—Nirentope, akenajeitantari ajatanyari pashiniki nampisi ... *Cof, cof, cof...* Pinpeakotakabakenaro... okoakotakena nirentope, nokantajeitempi, pimpiakojeitena nokisakajeitakempi añabejeibetantakari... *Cof, cof, cof...* maroni abisaintsiri irointi... *cof, cof, cof...*





—Oka, iro anteri ajibatakayero – okantanake okisa ora yamajakoitira -. Irokea abisatsiri – oñabetanaji – maroni antabakajeitanaka iro kobenkatanaintsiri, akabiabakajeitanaka, te ojityaji antakeri. Kobenka noñakero. Ari meka, aparope okenajeitanake antayetiro antapiniyetiri, kantimaitcha, te añabajeroji janika amayetakerine ashaninkape itejeitanyarori tren ijajeitira torishitape, amajatakoyetera te aretakayaro obararontsipe jeri atirip, irori kareterape ojakaro shiyakomentotsip...!Kobenka okantanaka!

_ Ari amenejeitanake, te okobiaji antarite jero ashintsite – okantanake akenira arakomentotsipe, kametsa meka oñabetake -, eirorika papatoejitatsi pantabejetanyari, eiro okametsatitsi pantabere.

Onimotanakero meka Perú okemakerira kantaintsiri.

_ Nopasonkitiro pikantakeri impoji nopiakotaimpi. Aisati narori chora osheki nokenkitsajeitempiri.

Ari meka okenkitsatakotanakero maroni oñayetakeri. Ikenkishiriari atiripe, irameyetario, koityimoyetariri.

Irori, akenantanyari ajate nampitsipeki okemisantake, tema irri sheki inabeta okenkitsateri.

ACTA DE EVALUACIÓN

FECHA: Lunes 12 de octubre 2021

Miembros del Jurado: Ricardo González Vigil
Anahí Barrionuevo
Leonardo Dolores

Luego de realizada la evaluación de los cuentos participantes, el jurado calificador conformado por Ricardo González Vigil, Anahí Barrionuevo y Leonardo Dolores, se procede a declarar a los ganadores del Cuarto Concurso de Cuentos “Ositrán, contigo por las rutas del Perú”, en las categorías y en orden de mérito señalado:

PUESTO	CUENTO	ALUMNO	INSTITUCION EDUCATIVA	PROCEDENCIA
1.er puesto	El turista autóctono	Joel Wilfredo Alejo Reyes	I.E. Santo Tomas de Valencia	Santa Rosa, Lima
2.do puesto	Un mágico suceso entre vuelos	Gianella Belén Luna Cruz	I.E. Isabel Chimpu Ocllo	San Martín de Porres, Lima
3.er puesto	Remembranzas, tren eléctrico 1986	Ana Lucía Cáceres Gonzalez	I.E. Los Peregrinos	San Juan de Lurigancho, Lima
Mención Honrosa	Mi mundo a mi alrededor	Betsaida Antuanet Pozo Vásquez	I.E. N° 80706 Santa María	Moche, La Libertad
Mención Honrosa	Un viaje por el Perú	Camila Alejandra Martinez Taboada	I.E. María Montessori	Piura, Piura

PUESTO	CUENTO	DOCENTE	INSTITUCION EDUCATIVA	PROCEDENCIA
1.er puesto	La vía más importante	Manuel Hernán Herrera Quispe	I.E. San Vicente de Paul,	Tarma, Junín


Ricardo González Vigil


Anahí Barrionuevo


Leonardo Dolores Cerna





EL REGULADOR DE LA INFRAESTRUCTURA
DE TRANSPORTE DE USO PÚBLICO

